

5041-15

UGOVOR o nabavci usluga

zaključen između:

Javna ustanova Opća bolnica „Prim. dr. Abdulah Nakaš“
Ul. Kranjčevićeva broj 12, 71000 Sarajevo
koju zastupa direktor prim.dr. Zlatko Kravić
Identifikacijski broj: 4200288400001
(u daljem tekstu: **Naručilac**)

i

„Svjetlost-BH print“ d.o.o. Sarajevo,
Sjedište: Ismeta Alajbegovića Šerbe broj 3, Sarajevo
koga zastupa direktor Nedim Sinanović,
Identifikacioni broj dobavljača: 4202043620009
Transakcijski račun dobavljača: 1610000126240079
Naziv banke dobavljača: Raiffeisen bank d.d. Sarajevo
(u daljem tekstu: **Dobavljač**),

PREDMET UGOVORA

Član 1.

Predmet ovog ugovora je nabavka štamparskih usluga i to:
LOT 1 - Knjige u tvrdom uvezu – printanje i uvezivanje i
LOT 2 – Ostali štampani materijal

dalje: usluge koje će Dobavljač uraditi Naručiocu u skladu s odredbama ovog ugovora i sljedećim dokumentima koji čine sastavni dio ovog ugovora u obliku njegovih priloga i to:

- Ponudom / specifikacijom Dobavljača br. 03-11/17 od 30.10.2017. godine – dalje: ponuda Dobavljača - (Prilog 1), (ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio ugovora sa tim da se zbog obimnosti iste uz ugovor fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljenom po konkurentskom zahtjevu za dostavu ponuda broj 18/17.

CIJENA

Član 2.

Cijena koju će Naručilac isplatiti Dobavljaču za usluge iz člana 1. Ugovora iznosi:

Lot 1. - Knjige u tvrdom uvezu – printanje i uvezivanje

- Cijena bez PDV-a: 1.803,93 KM;
- Porez na dodanu vrijednost (PDV 17%) = 306,67 KM;
- UKUPNA VRIJEDNOST / CIJENA sa PDV-om = 2.110,60 KM (slovima: dvijehiljadestotinudeset i 60/100 KM).

Lot 2. - Ostali štampani materijal

- Cijena bez PDV-a: 4.081,27 KM;
- Porez na dodanu vrijednost (PDV 17%) = 693,82 KM;
- UKUPNA VRIJEDNOST / CIJENA sa PDV-om = 4.775,09 KM (slovima: četirihiljadesedamstotinasedamdesetpet i 09/100 KM).

Finansijska sredstva za predmetnu nabavku su obezbjeđena na osnovu Plana nabavki za 2017. godinu broj 332-6/17 od 30.01.2017. godine (stavka 93.).

USLOVI I NAČIN PLAĆANJA

Član 3.

Plaćanje će se izvršiti u roku od 60 (šezdeset) dana od dana zaprimanja računa za izvršenu uslugu. Plaćanje se obavlja na žiroračun Dobavljača. Naručilac ne prihvata avansno plaćanje i traženje sredstava osiguranja plaćanja. Ukupna plaćanja Dobavljaču bez PDV-a na temelju sklopljenog ugovora ne smiju prelaziti procijenjenu vrijednost nabavke.

Naručiočeva obaveza da isplati cijenu podrazumijeva poduzimanje mjera i udovoljavanje formalnostima predviđenim Ugovorom ili odgovarajućim zakonima i propisima da bi se omogućilo plaćanje.

Dobavljač je dužan izdati / sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuju kupca ni onda kada je fakturu primio, a nije joj prigovorio.

ROK ISPORUKE USLUGA

Član 4.

Rok isporuke roba iz člana 1. ovog ugovora je: sukcesivna isporuka u roku do 24 (dvadesetčetiri) sata od momenta narudžbe od strane Naručioaca, a sve u roku od 1 (jedne) godine od dana primjene ugovora.

Pod isporukom usluga se podrazumijevaju sve potrebne radnje koje je Dobavljač dužan obaviti, prema ugovoru i prirodi posla, da bi Naručilac mogao primiti usluge.

Dobavljač je dužan izvršiti ugovorene isporuke usluga prema vrsti i kvaliteti predviđenim ugovorom te njegovim priložima.

Mjesto isporuke je Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo, magacin potrošnog materijala.

Naručilac se obavezuje isplatiti cijenu i primiti usluge onako kako je predviđeno ovim ugovorom. Naručiočeva obaveza prijema usluga općenito se sastoji u obavljanju svih radnji koje se razumno od njega očekuju da bi omogućio Dobavljaču isporuku.

NAČIN ISPORUKE USLUGA

Član 5.

Dobavljač je obavezan usluge iz člana 1. Ugovora izvršiti u roku, na način i pod uslovima određenim ponudom Dobavljača i odredbama ovog ugovora te pri tome postupati sa pažnjom dobrog stručnjaka, u suprotnom preuzima i snosi punu odgovornost, troškove i rizik.

Dobavljač će za sve artikle iz ponude uraditi potrebnu pripremu za štampanje prema uzorku ili instrukcijama Naručioaca.

UGOVORNA KAZNA, ZATEZNA KAMATA

Član 6.

U slučaju kašnjenja u izvršenju isporuke roba kupac će zaračunati i naplatiti Dobavljaču na ime ugovorne kazne iznos od 1% ukupne vrijednosti ugovora čije izvršenje kasni za svaki puni dan zakašnjenja počev od prvog dana zakašnjenja do maksimalnih 5%, ukupne vrijednosti / cijene Ugovora.

Naručilac ne može zahtijevati ugovornu kaznu ako je primio ispunjenje obaveze, a nije bez odlaganja pismeno saopštio Dobavljaču da zadržava svoje pravo na ugovornu kaznu.

Na zakašnjela plaćanja Dobavljač će zaračunavati kupcu zatezne kamate prema primjenjivom / pozitivnom propisu.

BANKOVNE GARANCIJE ZA OSIGURANJE IZVRŠENJA UGOVORENIH OBAVEZA

Član 7.

Dobavljač je, u smislu osiguranja izvršenja obaveza po ovom ugovoru, obavezan Naručiocu dostaviti avaliranu mjenicu u iznosu 10% ukupne vrijednosti Ugovora sa uračunatim PDV-om, sa rokom važnosti mjenice: rok izvršenja ugovora + 30 dana;

Dobavljač će avaliranu mjenicu dostaviti u roku od 10 (deset) dana od dana zaključivanja ovog ugovora / obostranog potpisivanja ovog ugovora.

Avalirana mjenica dostavlja se u originalu. Ne smije biti ni na koji način oštećena (bušenjem i sl.) jer probušena ili oštećena mjenica se ne može naplatiti. Ukoliko avalirana mjenica nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavim.

VIŠA SILA

Član 8.

Ako slučaj više sile spriječi, potpuno ili djelimično, izvršenje obaveza po ovom ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 7 dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih strana, čije nastupanje i djejtvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna djestva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglaši kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 7 dana, ugovorne strane će se sporazumijeti o daljoj sudbini Ugovora. Ukoliko se ugovorne strane ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu ugovornu stranu.

STUPANJE UGOVORA NA SNAGU

Član 9.

Ovaj ugovor stupa na snagu danom obostranog potpisivanja od strane ovlaštenih lica ugovornih strana, a primjenjuje se od 30.12.2017. godine. Svi rokovi u vezi s ovim ugovorom računaju se od dana primjene istog.

PRIMJENA ZAKONA O OBLIGACIONIM ODNOSIMA

Član 10.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi s i povodom izvršenja ovog ugovora.

RJEŠAVANJE SPOROVA

Član 11.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana ugovora se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

Ukoliko se jedna od ugovornih strana ne bude pridržavala odredbi ovog ugovora, druga ugovorna strana stiče pravo na jednostrani raskid ugovora u roku od 30 (trideset) dana od dana prijema pismene obavijesti.

OSTALE ODREDBE

Član 12.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 13.

Izmjene i dopune ovog ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

Član 14.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

PRIPREMILA:

Amira Petrović, BA općeg prava
Referent za pravne poslove

AP

KONTROLISALA:

Sadeta Hrustemović, dipl. iur.
Koordinator za javne nabavke

SH

Dobavljač
Svjetlost-BH print d.o.o. Sarajevo

DIREKTOR

[Signature]
Nedim Sinanović

Broj: U-184/17

Sarajevo, 29.11.2017.

Naručilac

JU Opća bolnica

„Prim. dr. Abdulah Nakaš“

DIREKTOR

[Signature]
Prim. dr. Zlatko Kravić

Broj: 5041-15/17

Sarajevo, 27.11.2017. godine